

**Saksframlegg**

Utval	Utvalssak	Møtedato
Kommunestyret	91/15	03.09.2015

Høyringsuttale frå Seljord kommune til Finansdepartementet sitt framlegg om å fjerne eigedomsskatt på produksjonsutstyr og produksjonsinstallasjonar i verk og bruk

Saksdokument:

Vedlegg:

- 1 Høringsnotat om eiendomsskatt på arbeidsmaskiner
- 2 høyringsuttalelse-fra-ks-til-finansdepartementets-forslag-om-a-fjerne-eiendomsskatt-pa-produksjonsutstyr-og-produksjonsinstallasjoner-i-verk-og-bruk

Saksutgreiing:

Vedlagt fylgjer høyringsnotat frå Finansdepartementet om å fjerne eigedomsskatt på produksjonsutstyr og produksjonsinstallasjonar i verk og bruk, samt KS si høyringsuttale til framlegget. Høyringsfristen er sett til 18. september 2015.

Forslaget har til hensikt å forenkle gjeldande regelverket og lette skattlegging av verk og bruk.

Høyringsuttala frå KS som fylgjer vedlagt, inneheld ein gjennomgang av lovforslaga, økonomiske konsekvensar for kommunane, samt merknader til lovforslaga og grunngjeving for desse.

For Seljord kommune sitt vedkomande, vil konsekvensen av framlegget til lovendring føre til ein inntektssvikt på om lag kr. 1 155 000, av dette er om lag kr. 955 000 skatt på kraftliner. Ny taksering av vanlege produksjonsbedrifter vil ha ein kostnad på om lag kr. 50 000. (Ny taksering av kraftliner, telenett, breiband etc., er ikkje tatt med, då dette fekk vekk i sin heilskap.)

Rådmannen støttar seg til KS si utgreiing, og meiner at denne bør danne grunnlaget for uttala frå Seljord kommune med fylgjande hovudpunkt:

- Seljord kommune sluttar seg ikkje til framlegget om endring i regelverket for eigedomsskatt
- Forslaget vil innebære eit inntektstap for Seljord kommune på om lag kr. 1 155 000. Ein stor del av inntektstapet vert overført til staten i form av auka selskapsskatt og særskatt, og kjem såleis ikkje dei næringsdrivande til gode.
- Seljord kommune meiner at kommunen sjølv må behalde retten og fleksibiliteten til å kunne skrive ut eigedomsskatt på verk og bruk, inklusiv produksjonsutstyr.

Rådmannen si tilråding:

Kommunestyret vedtek følgjande høyringsuttale til Finansdepartementet sitt framlegg om å fjerne eigedomsskatt på produksjonsutstyr og produksjonsinstallasjonar i verk og bruk:

- Seljord kommune sluttar seg ikkje til framlegget om endring i regelverket for eigedomsskatt
- Forslaget vil innebere eit inntektstap for Seljord kommune på om lag kr. 1 155 000. Ein stor del av inntektstapet vert overført til staten i form av auka selskapsskatt og særskatt, og kjem såleis ikkje dei næringsdrivande til gode.
- Seljord kommune meiner at kommunen sjølv må behalde retten og fleksibiliteten til å kunne skrive ut eigedomsskatt på verk og bruk, inklusiv produksjonsutstyr.

Handsaming i Kommunestyret - 03.09.2015

Framlegg frå H, Frp, V og Krf:

Seljord kommune støttar intensjonen i forslaget frå Finansdepartementet om å frita arbeidsmaskiner m.v. i kategorien verk og bruk frå eigedomsskatt. Dette kan bidra til å styrke bedriftene i si evne til å gjennomføre naudsynte investeringar for framtida. Det kan vera med på å trygge eksisterande arbeidsplassar og skape fleire. Det må vera ein føresetnad at ei eventuell omlegging ikkje omfattar vasskraftanlegg. Seljord kommune meiner også at kraftliner, telenett, breiband etc. framleis må vera med i skattegrunnlaget for eigedomsskatt.

Ei omlegging som foreslått vil føre til inntektstap for kommunane. Seljord kommune har i dag ei inntekt på eigedomsskatt på verk og bruk på om lag 9, 2 mill. per år. Ei omlegging som foreslått vil medføre eit tap av inntekter på 1.155 mill. for Seljord. Ein stor del av inntektstapet går på overføringsliner der staten vil få inntektene. Seljord kommune meiner det må arbeidast grundigare med avgrensingar i ei lovendring og at kommunane sine tapte inntekter må kompensera fullt ut.

Framlegget frå H., Frp., V. og Krf vart vedteke med 13 mot 7 røyster.

Vedtak i Kommunestyret - 03.09.2015

Seljord kommune støttar intensjonen i forslaget frå Finansdepartementet om å frita arbeidsmaskiner m.v. i kategorien verk og bruk frå eigedomsskatt. Dette kan bidra til å styrke bedriftene i si evne til å gjennomføre naudsynte investeringar for framtida. Det kan vera med på å trygge eksisterande arbeidsplassar og skape fleire. Det må vera ein føresetnad at ei eventuell omlegging ikkje omfattar vasskraftanlegg. Seljord kommune meiner også at kraftliner, telenett, breiband etc. framleis må vera med i skattegrunnlaget for eigedomsskatt.

Ei omlegging som foreslått vil føre til inntektstap for kommunane. Seljord kommune har i dag ei inntekt på eigedomsskatt på verk og bruk på om lag 9, 2 mill. per år. Ei omlegging som foreslått vil medføre eit tap av inntekter på 1.155 mill. for Seljord. Ein stor del av inntektstapet går på overføringsliner der staten vil få inntektene. Seljord kommune meiner det må arbeidast grundigare med avgrensingar i ei lovendring og at kommunane sine tapte inntekter må kompensera fullt ut.

Utskrift til:

